

TRIANDRIA MONOGYNIA.

cedentis anni, erecti, sesquipedales, simplices, triquetri, laeves, basi foliosi. *Folia* vaginantia, erecta, linearia, carinata, undique laevia, vel apicem versus margine tantum scabriuscula, longitudine ferè culmi, apice laxè recurva. *Umbella* terminalis, erecta, supradecomposita, pedunculis filiformibus, laevibus, alternis, remotiusculis, basi spathaceis. *Involucrum* polyphyllum, foliis conforme, laxè patens, umbellà longius. *Spiculae* subalternae, sessiles, erecto-patentes, sesquiunciales, lineares, graciles, compressae, spadiceo-rutilantes, multiflorae. *Glumae* distichae, alternae, ovatae, acutae, carinatae, laeves, enerves, carinà viridi, margine angusto, scarioso, subundulato, virescente. *Stamina* exserta. *Antherae* lineares, flavae. *Germen* oblongum, triquetrum. *Stylus* longitudine staminum. *Stigmata* tria, elongata, capillaria, glabra, albida.

A. Flosculus seorsim, magnitudine sextuplò ferè auctus.

TABULA 45.

CYPERUS RADICOSUS.

CYPERUS culmo triquetro nudo, umbellà foliosà, spiculis lanceolatis, foliis patentissimis rigidis recurvis.

In arenosis ad fluvium Ryndacum prope *Sousougherli*, quà via a Smyrnà ad Bursam ducit; etiam in insulis Graeciae sed rariùs. 2.

*Radix* repens, perpendicularis, subtuberosa, aromatica, radiculis villosis. *Culmi* solitarii, erecti, spithamæi, nudi, triquetri, laeves. *Folia* radicalia, vaginantia, patentissima, arcuato-deflexa, rigida, longitudine culmi, linearia, acuta, carinata, margine scabriuscula. *Umbella* decomposita, quandoque supradecomposita, pedunculis obsoletè triquetris, glabris, apice flexuosis, basi spathaceis. *Involucrum* subtriphyllum, foliaceum, patentissimum, foliolis margine asperis, umbellà duplò vel triplò longioribus. *Spiculae* lanceolatae, acutae, semunciales, lineam ferè latae, 10-aut 12-florae, spadiceo-rufae. *Glumae* acutiusculae, carinatae, carinà nervosà, viridi, margine tenui, albido. *Antherae* lutescentes, filamentis longiores. *Stigmata* tria, elongata, filiformia, glabra. *Semen* obovato-triquetrum.

A, A. Spiculae triplò auctae.

B. Flosculus seorsim longè magis auctus.

TABULA 46.

CYPERUS DIFFORMIS.

CYPERUS digynus, culmo triquetro nudo, umbellà foliosà, spiculis linearibus arcuatis, glumis ventricosis retusis.